

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

PENGUATKUASAAN HARGA MAKSIMUM BARANGAN TERPILIH DI BAWAH SKIM HARGA MAKSIMUM KELUARGA MALAYSIA

GOMBAK, 7 Disember 2021 - Sebagai Kerajaan yang prihatin dan serius dalam menangani isu kenaikan harga barang pada masa kini, Kementerian Perdagangan Dalam Negeri dan Hal Ehwal Pengguna (KPDNHEP) telah melaksanakan **Skim Harga Maksimum Keluarga Malaysia (SHMKM)** sebagai langkah untuk menstabilkan harga barangan keperluan pada masa ini disamping memastikan keberadaan bekalan di pasaran.

2. Skim ini akan berkuatkuasa mulai **7 hingga 31 Disember 2021** yang akan melibatkan kawalan harga ke atas barangan tertentu seperti ayam, telur ayam dan beberapa jenis sayur-sayuran seperti berikut:

- (1) Ayam hidup
- (2) Ayam standard (disembelih dan dibersihkan berserta kaki, kepala, hati dan hempedal atau mana-mana bahagiannya)
- (3) Ayam super (disembelih dan dibersihkan tanpa kaki, kepala, hati dan hempedal)
- (4) Telur ayam gred A (berat antara 65.0 gram hingga 69.9 gram sebiji)
- (5) Telur ayam gred B (berat antara 60.0 gram hingga 64.9 gram sebiji)

- (6) Telur ayam gred C (berat antara 55.0 gram hingga 59.9 gram sebij)
- (7) Kacang panjang
- (8) Cili merah
- (9) Tomato
- (10) Sawi hijau
- (11) Kobis Bulat Import (Indonesia dan China tidak termasuk Beijing)
- (12) Timun

3. Senarai barangan akan dikaji secara berterusan dan akan ditambah atau digugurkan berdasarkan penilaian situasi pasaran. Semua pihak diseluruh rantai bekalan dari kalangan pengeluar, pemborong, pengedar dan penjual dinasihatkan dan diberi amaran akan tindakan tegas diatas kegagalan mematuhi Skim ini dan juga bagi barang-barang keperluan pengguna yang lain.

4. Saya juga ingin memaklumkan bahawa **Pegawai Penguatkuasa Kementerian Perdagangan Dalam Negeri dan Hal Ehwal Pengguna** akan berada di lokasi-lokasi yang menjadi tumpuan orang ramai membeli-belah seperti pasar awam, pasar tani dan pasaraya untuk **menjalankan pemeriksaan dan pemantauan**. Langkah-langkah ini mencerminkan usaha berterusan bagi **melindungi pengguna daripada aktiviti pengambilan keuntungan yang berlebihan oleh peniaga-peniaga yang tidak beretika**.

5. Adalah diingatkan bahawa tindakan tegas akan diambil terhadap peniaga yang gagal mematuhi peraturan-peraturan di bawah skim ini. Mana-mana peniaga yang melakukan kesalahan akan diambil tindakan di bawah Akta Kawalan Harga dan Antipencatutan (AKHAP) 2011 dan boleh dikenakan penalti seperti berikut:

(i) Kesalahan menjual barangan harga terkawal melebihi harga maksimum:

(a) Individu; boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000; dan

(b) Syarikat; boleh didenda sehingga RM500,000 atau dikompaun sehingga RM250,000;

(ii) kesalahan gagal meletakkan tanda harga berwarna merah jambu bagi barangan harga terkawal:

(a) individu; boleh didenda oleh mahkamah sehingga RM10,000 atau dikompaun sehingga RM5,000; dan

(b) syarikat; boleh didenda sehingga RM20,000 atau dikompaun sehingga RM10,000.

6. Kementerian turut mempertingkatkan pemantuan harga melalui Pegawai Pemantau Harga yang menjalankan pemantauan harga barangan keperluan asas di seluruh negara. Selain itu, Kementerian telah menyediakan **pelbagai medium penyaluran aduan** bagi memudahkan rakyat mengemukakan aduan berkaitan isu harga.

7. Pengguna yang mempunyai sebarang maklumat berhubung salah laku peniaga yang berkaitan, boleh melaporkan kepada pihak KPDNHEP untuk tindakan lanjut melalui saluran berikut:

- i. Whatsapp 019-279 4317
- ii. Portal e-aduan.kpdnhep
- iii. Call Centre 1-800-886-800
- iv. Emel e-aduan@kpdnhep.gov.my
- v. Ez ADU KPDNHEP
- vi. Pusat Arahkan Penguatkuasaan (ECC)
03-8882 6088/6245

Azman bin Adam
Pengarah
Bahagian Penguat Kuasa
Kementerian Perdagangan Dalam Negeri
Dan Hal Ehwal Pengguna
PUTRAJAYA

7 Disember 2021